



НИЙСЛЭЛИЙН
ИРГЭДИЙН ТӨЛӨӨЛӨГЧДИЙН ХУРЛЫН
ТЭРГҮҮЛЭГЧДИЙН ТОГТООЛ

2017 оны 03 сарын 17 өдөр

Дугаар 43

Улаанбаатар хот

Журамд өөрчлөлт оруулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 25 дугаар зүйлийн 25.1, Төрийн болон орон нутгийн өмчийн тухай хуулийн 77 дугаар зүйлийн 77.3 дахь хэсэг, Нийслэлийн Засаг даргын 2017 оны 01/767 тоот албан бичгээр өргөн мэдүүлсэн саналыг үндэслэн Нийслэлийн Иргэдийн Төлөөлөгчдийн Хурлын Тэргүүлэгчдээс ТОГТООХ нь:

1. Нийслэлийн Иргэдийн Төлөөлөгчдийн Хурлын Тэргүүлэгчдийн 2014 оны 68 дугаар тогтоолын хавсралтаар батлагдсан “Нийслэлийн өмчид үнэ төлбөргүйгээр шилжин ирж буй нийтийн эзэмшлийн эд хөрөнгийг бүртгэн авах тухай журам”-ын 1.4 дэх заалтыг дор дурдсанаар өөрчлөн найруулсугай.

“1.4 нийслэлийн эзэмшлийн дамжуулах, түгээх шугамаас холболт авсан, хувийн хэвшлийн санхүүжилтээр баригдсан орон сууцны барилгын шугам сүлжээ, тоног төхөөрөмж, авто зам, замын байгууламж зэрэг нийтийн эзэмшлийн эд хөрөнгийг нийслэлийн өмчид үнэ төлбөргүй бүртгэж авна.”

2. Мөн журмын 1.6 дахь хэсгийг хүчингүй болсонд тооцсугай.

3. Энэ тогтоолын хэрэгжилтийг хангаж, нийслэлийн өмчид бүртгэлгүй боловч нийслэлийн харьяа байгууллагуудаас ашиглалтыг нь хариуцдаг шугам, сүлжээг үнэ төлбөргүйгээр бүртгэн авах ажлыг зохион байгуулж ажиллахыг Нийслэлийн Засаг дарга бөгөөд Улаанбаатар хотын Захирагч /С.Батболд/-д даалгасугай.



1110100131